

## Adroddiad Blynyddol gan Gyngorydd 2017/18

Hwn yw'r adroddiad gan y Cyngorydd isod ar ei weithgareddau allweddol yn ystod y flwyddyn a ddaeth i ben ar 31 Mawrth 2018. Darperir yr adroddiad er gwybodaeth i'r holl etholwyr ac nid i unrhyw bwrpas arall. Safbwyntiau'r Cyngorydd unigol yw'r rhai a fynegir yn yr adroddiad hwn ac nid ydynt, o angenrheidrwydd, yn adlewyrchu barn Cyngor Sir Ynys Môn.

**Cyngorydd: Dafydd Rhys Thomas**  
**Grŵp: Y Grŵp Annibynnol**

**Ward: Ynys Gybi**

### 1 - Rôl a Chyfrifoldebau

Rhwng Mai 2017 a Mawrth 2018, eisteddais ar y prif bwyllgorau / is-bwyllgorau canlynol:	Nifer y cyfarfodydd a drefnwyd	Nifer a fynychwyd
Cyngor	9	9
Pwyllgor Gwaith	11	9
Pwyllgor Safonau	2	2
<p>Mae'r ystadegau a ddarperir yn berthnasol yn unig i'r pwyllgorau a restrir yn y tabl hwn. Nid yw'r ystadegau'n cynnwys presenoldeb mewn cyfarfodydd eraill sy'n ymwneud â gwaith y Cyngor Sir. Gall trefniadau cyflogaeth Aelod hefyd effeithio ar lefelau presenoldeb.</p> <p><i>Gall presenoldeb amrywio oherwydd natur gwaith a chyfrifoldebau aelodau - fel deilydd portffolio, cadeirydd pwyllgor neu fel cynrychiolydd y Cyngor ar gyrff allanol, er enghraifft.</i></p>		

Rwyf yn aelod o Ymddiriedolaeth Elusennol Ynys Môn ac wedi mynychu'r 6 chyfarfod a drefnwyd. Rwyf hefyd yn aelod o bwyllgor Buddsoddi a Chontractau'r Ymddiriedolaeth a heb fynychu'r 1 cyfarfod a drefnwyd.

Rwy'n cynrychioli'r Cyngor ar y gyrff allanol canlynol:	Nifer y cyfarfodydd a drefnwyd	Nifer a fynychwyd
Cyd-bwyllgor Cymru		
Llywodraethwr – Ysgol Gynradd Cybi		
Grŵp Cyswllt Prosiect Wylfa Newydd		

### 2 - Gweithgareddau yn yr Etholaeth

Yn ogystal â bod yn aelod o Gyngor Sir Ynys Môn, rwyf hefyd yn aelod o Gyngor Cymuned Trearddur ac wedi mynychu'r cyfan o'u cyfarfodydd misol. Er nad wyf yn aelod o Gyngor Cymuned Rhoscolyn, rwyf wedi bod yn mynychu eu cyfarfodydd yn rheolaidd fel gwestai. Rwy'n cynrychioli'r Cyngor Sir ar gyrff llywodraethu Ysgol Gybi ac Ysgol Gymraeg Morswyn. Rwyf hefyd yn aelod o Grŵp Cydranddeiliaid Horizon Wylfa Newydd ac yn mynychu'r cyfarfodydd hynny yn rheolaidd.

### 3 - Mentrau a Gweithgareddau Arbennig

Rwy'n cymryd diddordeb ym mhob agwedd ar fywyd y ward ac yn fodlon bob amser i gyfarfod naill ai'n ffurfiol neu'n anffurfiol gyda'r etholwyr i drafod unrhyw faterion sy'n peri pryder, er enghraifft: sbwriel, gwastraff, baw ci, materion cynllunio a phriffyrdd, llifogydd, hawliau tramwy, mwynderau ac ati ac rwyf ar gael bob amser dros y ffôn, drwy e-bost neu wyneb yn wyneb. Rwy'n ceisio datrys y materion fy hun neu eu cyfeirio i'r adrannau priodol ar ran yr etholwyr ac rwy'n ddiolchgar iawn i Swyddogion y Cyngor am eu help a'u cefnogaeth i ddelio gyda materion a'u datrys.

Rwyf yn parhau i gymryd rhan mewn gweithgareddau glanhau cymunedol ac yn canmol yr ysbryd cymunedol yn enwedig o ran y gwaith a wnaed i wella edrychiad y pentref, torri llystyfiant, codi sbwriel, plannu ac ati ac mae'n ffordd ardderchog o ddod â'r gymuned at ei gilydd i gyflawni rhywbeth positif.

Rwy'n ddiolchgar iawn fy mod wedi cael fy ail-ethol i gynrychioli ward Cybi ym Mai 2017. Mae'n anrhydedd fawr i mi gael cynrychioli'r ardal arbennig hon ac rwy'n gwneud fy ngorau i gynrychioli'r ardal gyfan o Roscolyn i Fynydd Twr.

Mae'r ardal yn ddaearyddol amrywiol ac mae ynddi ardaloedd llewyrchus iawn ond rwyf hefyd yn cynrychioli rhai o'r cymunedau mwyaf difreintiedig yng Nghymru.

Ar ôl cael fy ethol, bûm yn ddigon ffodus i gael swydd ar y pwyllgor gwaith gyda chyfrifoldeb am faterion Corfforaethol ac mae hyn wedi rhoi'r cyfle i mi ddysgu pa mor gymhleth yw'r Cyngor a'r modd y mae'r broses ddemocrataidd yn gweithio.

Rydym ni fel Cyngor yn wynebu heriau anferthol ym mhob maes ond yn enwedig yn y Gwasanaethau Cymdeithasol, Gwasanaethau Plant ac Oedolion ac Addysg ac rydym yn ceisio gwella addysg a thrawsnewid y gwasanaeth drwy gyflwyno ysgolion 21ain ganrif.

Mae sawl her arall yn erbyn cefndir o'r llymder mwyaf difrifol mewn cof.

Yr wyf wrth gwrs â diddordeb brwd yn natblygiad economaidd Ynys Môn ac Ynys Gybi.

Rwy'n cydnabod pwysigrwydd twristiaeth i'n heconomi a materion megis Horizon, Wylfa Newydd, peilonau'r National Grid, Orthios a datblygiadau yn safle Alwminiwm Môn, porthladd Caergybi, Bluestone a datblygiad Morlais yn y môr.

### 4 - Dysgu a Datblygu

Rwyf wedi mynychu'r mentrau dysgu a datblygu canlynol yn ystod y flwyddyn ddiwethaf (gwybodaeth wedi'i darparu gan Gyngor Sir Ynys Môn):

Cyflwyniad i Wasanaethau'r Cyngor	11/05/2017
Cyflwyniad i Wasanaethau'r Cyngor	18/05/2017
Hyfforddiant IPad	18/05/2017
Sesiwn Briffio – Cynllun Corfforaethol a'r Côt	18/05/2017

Y Cyfansoddiad	05/06/2017
Deddf Tai	06/07/2017
Hyfforddiant Diogelu	07/07/2017
Hyfforddiant materion Cynllunio	21/07/2017
Trais a cham drin domestig yn erbyn merched	24/10/2017
Cwestiynu effeithiol yn Sgrwtini	04/12/2017
Hyfforddiant ACE	28//03/2018
Sesiynau Briffio Aelodau ( 7 allan o 12 )	Mai 2017 – Mawrth 2018
<i>Gall presenoldeb amrywio oherwydd natur gwaith a chyfrifoldebau aelodau - fel deilydd portffolio, cadeirydd pwyllgor neu fel cynrychiolydd y Cyngor ar gyrff allanol, er enghraifft.</i>	

## 5 – Gweithgareddau a Materion Eraill

Fel un sydd wedi derbyn triniaeth am ganser, rwy'n aelod o Fforwm Canser Gogledd Cymru sy'n rhoi pwyslais ar ofal sy'n canolbwyntio ar y claf.

Rwyf hefyd yn aelod o banel cyllid Elusennol Ward Alaw.

Rwy'n gweithio gydag ymgynghorwyr a staff yn Ysbyty Gwynedd i wella profiadau i gleifion a diogelwch y cleifion yn enwedig o safbwynt ffactorau dynol.

Rwyf hefyd wedi cynorthwyo i ddatblygu 'ap' i help cleifion canser gyda'u symptomau - caiff ei gyllido gan Tenovus.

Mae gennym dirwedd a morlun unigryw iawn yma yn Ynys Gybi ac yn wir ar hyd a lled Ynys Môn ac rwy'n awyddus iawn i ddiogelu a gwella ein hamgylchedd ac rwyf wedi cyflwyno cynnig i'r Cyngor Sir Llawn y dylai Ynys Môn fod yn sir ddi-blastig. Rwy'n gweithio gyda 'Surfers Against Sewage' a'r gymuned mewn ymdrech i hyrwyddo lleihau, aildddefnyddio ac ailgylchu plastigau. Byddai'n wych gweld Ynys Môn fel y Sir 'ddi-blastig' gyntaf yng Nghymru.

Mae wedi bod yn bleser ac yn anrhydedd i gael cynrychioli pobl ward Cybi ac rwyf wedi mwynhau'r 12 mis diwethaf yn fawr iawn ac edrychaf ymlaen at y dyfodol gyda brwdfrydedd ac optimistiaeth, serch yr heriau sydd o'n blaenau.

Hoffwn hefyd ddiolch i fy nghyd-Gynghorwyr, Swyddogion y Cyngor, gweithwyr y Cyngor am eu cefnogaeth a'u cyngor ac wrth gwrs fy nghyd-Aelodau sy'n cynrychioli Ynys Gybi sef Trefor a John Arwel a phobl Ynys Gybi am eu cefnogaeth a'u cyfeillgarwch ac rwy'n pwysleisio fy mod ar gael bob amser i'w cynghori a'u help mewn unrhyw fodd.

Ceir rhagor o wybodaeth amdanaf yma:

<http://democratiaeth.ynysmon.gov.uk/mgUserInfo.aspx?UID=650&LLL=1>

